

SCRIPTA

Numéro Scripta : 8131

Auteur(s) : Philippe Hunaut [particulier]

Bénéficiaire(s) : Soligny-la-Trappe, Notre-Dame de La Trappe (abbaye)

Genre d'acte : charte

Authenticité : non suspect

Datation : 1258

Action juridique : autre

Langue du texte : latin

Analyse

Philippe Hunaut reconnaît avoir reçu, de l'abbaye de la Trappe, une pièce de terre, sise à Moulins-la-Marche, sous la tour du château, à charge d'un cens annuel de vingt-six sous tournois, en garantie du paiement duquel il engage à ladite abbaye une pièce de terre sise à la Chênaie.

Tableau de la tradition

Éditions principales

a. Charencey Hyacinthe (Comte de), *Cartulaire de l'Abbaye de Notre-Dame de la Trappe*, publié d'après le manuscrit de la Bibliothèque Nationale, Alençon, Renaut de Broise (Société historique et archéologique de l'Orne), 1889, N. « De Molinis et Bonmolinis », n° XXXIII, p. 373-374.

Texte établi d'après a

Universis presentes litteras inspecturis, Philippus Hunaut, salutem in Domino. Noveritis quod, cum viri religiosi, abbas et conventus Domus Dei de Trappa tradiderint et concesserint michi totum illud quicquid habebant in quadam petia terre sita subtus turrem castelli de Molins, juxta terram prioris Sancti Laurentii de Molins, habendum et tenendum de ipsis michi et heredibus meis in perpetuum, pro annuo reddito viginti sex solidorum turonensium, de quibus ipsi tenentur reddere annuatim quinque solidos domino de Curteharaiia, qui eidem debentur de terra supradicta, et ego et heredes mei tenemur predictos viginti sex solidos reddere predictis religiosiis in festo Natalis annuatim. Et, si infra octabas predicti Natalis Domini predicti viginti sex solidi ipsis non fuerint persoluti, ipsi poterunt facere suam justitiam super predictam terram et super unam petiam terre quam ego habebam apud La Chesnaie, abotantem terre dicti prioris, sitam inter terram filie Jordani de Sancto Laurentio, donec habuerint predictum redditum et emendam. Quam predictam petiam terre ego dedi predictis religiosiis in contraplegium, tali modo, quod, si a predictis octabis ego vel heredes mei cessaverimus de reddendis ipsis predictis viginti sex solidis cum emenda usque ad festum Natalis Sancti Johannis Baptiste primum post dictas octabas, predictae due petie terre ex tunc ad ipsos devenient, absque contradictione aliqua, ad faciendum ex ipsis suam penitus voluntatem. Sciendum est etiam quod ego et heredes mei faciemus debita servitia de predicta terra quam michi tradiderunt, exceptis quinque solidis supradictis. Et, ne ego et heredes mei possimus venire de cetero contra aliquid de predictis, ego dedi prenomnatis religiosiis presentes litteras, sigilli mei munimine roboratas, per [quas] obligavi me et heredes meos ad omnia predicta agenda fideliter ac firmiter et tenenda. Actum anno Domini M° CC° quinquagesimo octavo.